

"Al slomini sora de nos Signur, la löm de to müs"

La comunità tol comié da **Anna Pisching nasc. Costa** gnüda a mancé con 94 agn. Ai familiars i fajunse les condolianzes plü sontides. Che ara pálsi tla pêsc de Chél Bel Dio.

Enformaziuns y Comunicaziuns

Fin dal ann de scora: En vëndres ai 13 de jügn ales 8:00 él te dlilia la Mëssa por la fin dal ann de scora. A dúc i scolari, maestres y maestri, personal y colaboradus de bones vacanzes da d'isté. Y a chi co mëss ciámó fá ejams, döt le bun!

Oraziun/1: En vëndres ai 13 de jügn ales 20:00 él te stöa dla ciasa dal Sant da Oies na ora d'oraziun, co gnará tegnida tla forma de oraziun de Taizé. Dúc é bel enviés.

Oraziun/2: Dúc é bel enviés ales encuntades de oraziun y catechesa, te dlilia da Oies. An s'encunta en **sabeda ai 14 de jügn ales 19:30 y en domégna ai 15 de jügn dales 15:00 ennent.** Reladus é le preo esorist p. Giacobbe Elia y le psichiater catolich dot. Federico Fagioli.

La Crusc: Signor Degan lascia alessëi che les prozesciuns sö La Crusc, te cösc ann sant, mët man **en sabeda ai 14 de jügn.** La prozesciun pëia da Badia demez ales 7:30 y lassö él spo ales 9:30 la Mëssa. Le lift jará empormó de messé.

Pelegrinaje: Le KVW Val Badia organisëia en pelegrinaje tla Slovenia, ai 8, 9 y 10 de setember, con signor degan Iaco Willeit. Enformaziuns plü monüdes y prenotaziuns pa **Christoph Pezzedi al 333 7219535** o ala mail **crix.pezzedi@gmail.com**. Al é da s'anunzié anter mez messé.

Ploania sön Whatsapp: Che co á enteres da ciafé la plata de ploania **vigne edema** sön Whatsapp, dess mené le numer con ennom y cognom a Pablo, al 333 4762010.

KVW Seniorencub: En **dedemesaledema ai 11 de jügn** pëiun ia con le bus dles 8:19 dal Cone demez, por jí cina Kasern. Enló jarán ennent a pé fina ala Adleralm.

Biblioteca: Al vën lascé alessëi che la biblioteca romagn **slüta dai 16 ai 29 de jügn.**

Comune: I chibli dles laadöres vën laés fora ai: 6 y 20 de jügn, 4 y 18 de messé, 1., 15 y 29 d'agost, 12 y 26 de setember y 10 y 24 d'otober. **Danmisdé vëgnai jütés y tal próm domisdé vëgnai laés fora,** porchél él da i lascé sole post cina domisdé. Cina ai 30.09. vën i chibli tló Al Plan jütés du iadi al'edema - lönesc y vëndres.

Impressum: Ploania d'Al Plan, str. Catarina Lanz nr. 46, 39030 Al Plan de Mareo
Comunicaziuns - cina al dedemesaledema séra - da mené a: Pablo Palfrader
Tel. 333 4762010 Mail: ploaniaalplan@gmail.com - Download: www.unitepastoral.org



Plata dla Ploania Al Plan de Mareo San Vigile

Ploan: Signor Klaus Sottas
E-Mail: klsottas@rolmail.net

Calogna Al Plan: 0474 501006
Radio de Ploania: 93,00 MHz

VAL BADIA
www.unitepastoral.org

Ann C 08.06.2025 - Gran festa de Pasca de Má - Ores d'adoraziun nr. 28

I discepui se ralegrâ da odëi le Signur

Dal Vangelo do San Jan 20, 19 - 23

¹⁹La sëra dal próm dé dal'edema, canche i discepui â, dala tème dan dai iüdes, saré pro les portes, él gnü Gejú, é jü amesa ëi ete y ti á dit: Pêsc a os! ²⁰Do cöstes parores ti ál mostré söes mans y so piet. Danló se ralegrâ i discepui da odëi le Signur. ²¹Gejú ti á ciámó en iade dit: Pêsc a os! Desche le Pere m'a mené me, ensciö ves mëni iu os. ²²Do ch'al á albü dit cösc, ti ál fladé ados y ti á dit: Ciafedè le Spirit Sant! ²³A chi che os ti lascéis do i picés, ti ésai lascés do; y a chi che os ne ti ai lascéis nia do, ne ti ésai nia lascés do.


Parora dal Signur. - Lalt a te, Gejú Crist!



Gejú s'an tol sora dles tèmes dai discepui y dles nostes



Le Vangelo da encö passenëia dér por i temps da encö: Te cöstes püces risses él Gejú co s'an tol sora dla tème dai discepui, co se sont susc y abandonés. Na tème che an pó sonti ince aldedancö, con ci co sozed fora por le monn. Olá este pa, Bel Dio, t'en tomp olache al toma adöm trep de ci che i aratân sogü? T'en tomp olache l'empatia y l'amur por le proscimo ne ciafa nia plü dagnora na gran valüta? T'en tomp olache le prigo da veres é plü dampró co tai ultimi 80 agn? Gejú rospogn a cöstes tèmes: **Con mio Pere sunse iu pa os, tla Dlijia, te ostes comunitàs, pa te y pa vignöna y vignönn de os.** I ne sun nia ma tló „de passaje“, mo i viri pa os, i partësci la vita con os. Ne l'odëise nia? Ne le capîse nia? Le Spirit nes dëida tres endô da avëi crëta. I ó mo tegnì pa cösta empormotüda de Gejú, deache sön söa parora pón se lascé.



(Michael Tillmann)

Edema liturgica dai 08.06. ai 15.06.2025		
DOM 08.	GRAN FESTA DE PASCA DE MA	<i>Helga, Engelbert</i>
08:15	gran mëssa a La Pli	
09:00	ora de adoraziun	
10:00	liturgia dla parora abelida dal cor de dlijia	<i>oferta por la ploania</i>
Lön 09.	LÖNESC DE PASCA DE MA / Maria, Oma dla Dlijia	
	al va ennant le tomp ia por l'ann / Efrem, Vinzenz, Colomba	
	zelebraziun dla Parora de Dio a La Pli	
	ora de adoraziun	
	gran mëssa por döta la ploania	<i>oferta por la ploania</i>
	+Hedwig Willeit Miribung	
	+Carlo Palfrader	
	+Lois Tamers	
	+Josef Tamers	
	++de Trebo Maria y Heinrich	
	++Albert Sottas, Ulrich Winkler y Josef Villgrater	
Ded 10.	<i>beat Heinrich da Balsan, Diana, Stachio</i>	
19:30	corona	
Dem 11.	<i>Barnabas, Paula, Alice (Adelheid)</i>	
Jöb 12.	<i>Leo III, beata Hildegard Burjan</i>	
Ven 13.	<i>Antone da Padova, Bernhard d'Aosta</i>	
→ 08:00	s.m. de rengraziamont por la fin dal ann de scora	
	++Celestino Erardi y Elvira Flöss Erardi	
	vís y ++dles families de Teodora y Maurizio, hotel Al Plan	
	en onú de Sant Antone por i tiers co va te munt	
	por les püres anime dal purgatore	
Sab 14.	<i>Meinrad, Fortunat</i>	
07:30	<i>s.m. a La Pli</i>	
17:30	Corona por + Anna Costa Pisching	
18:00	s.m. prefestia 2.requiem por + Anna Costa Pisching	
	dal ann por ++Anna y Edi Pizzinini	
	dal ann por +Paola Erlacher Frenademetz	
	dal ann por +Maria Clara	
	+Monica Erlacher	
	++André y Markus Videsott	
DOM 15.	GRAN FESTA DLA SS. TRINITÉ	<i>Vitus, Germana, Gebhard</i>
	Domégnna dles families	
08:15	gran mëssa a La Pli	
10:00	gran mëssa por döta la ploania	<i>oferta por la ploania</i>
	dal ann por +Giorgio Borroni	
	dal ann por +Rosmarie Taibon Da Col	
	+Angelo Del Buono	
	+Vighile Comploi	
	+Rosa Rubatscher Feichter	
	+Ida Craffonara Pisching	

Ponsier de Pasca de Ma:

Nos podun ma vérde o fraidí - che n'oress pa nia enló plö ienn vérde?
(Joseph Conrad)

Pasca de Ma

“Ví Spirit Sant, enflama le cör de tü fedei!”

Le de lominus de Pasca de Ma ne conësc degöna sëra,
deache so sorëdl, co é l'Amur de Dio, ne vá mai a florí.

Dötes les creatöres, sides piceres o granes,
á söa raisc tal amur dal Creatur. Tles opres grandioses dla creaziun se
manifestëia l'amur, sonza fin, de Dio. Por odëi ete cösc, bástel les parores:
Betlehem y Golgota. Mo sídes ince cöstes parores nobles y granes:

Ares ne pó dionenia nes dí
tan gran che l'amur de Chël Bel Dio é.

L'amur che le Signur nes á scinché,
é le Spirit Sant

co é l'espresciun dal amur
nanter le Pere y le Fi.

“Ne séise nia, che os sëis
tompl de Dio

y che le Spirit Sant
abitëia te osc cör?”

Amur pa amur
por nos creatöres
de önn en Dio.

A cösc messunse ponsé plö gonot.
De cösc désson rengrazié!

Cösc plej a Chël Bel Dio
y dá a nos ligréza y forza.

(da Laldun le Signur)



Ich glaube ...

... an den Heiligen Geist

... dass er meine Vorurteile abbauen kann.

... dass er meine Gewohnheiten ändern kann.

... dass er meine Gleichgültigkeit überwinden kann.

... dass er mir Phantasie zur Liebe geben kann.

... dass er mir Warnung vor dem Bösen sein kann.

... dass er mir Mut für das Gute geben kann.

... dass er meine Traurigkeit besiegen kann.

... dass er mir Kraft in meinem Leben geben kann.

... dass er mein Wesen durchdringen kann. (Sb)

Sorvisc dai Ministrong

Lönesc 09/06 (10:00h): Jimmy y Joel Call, Judith Clara, Lenz y Matilda Complojer, Elena Frenademetz, Ginevra y Pire Maneschg, Anna Resch;

Vendres 13/06 (08:00h): Tom Dorfmann, Chris Mascotto;

Sabeda 14/06 (18:00h): Mateo Alberti, Jimmy y Joel Call, Alexander y Andrea Clara, Felix, Lena y Marta Feichter, Timo Palfrader, Jonas, Martina y Tobias Rindler ;

Domegna 15/06 (10:00h): Roman Kaneider, Manuel Mussner, Armin y Simon Trebo

N.B.: Dúc i ministrong é entres begnodüs da gní a sorví, ince sce ai n'é nia scric sò!

